

Kolosi Quran

Polji Kolosi yoŋore Quran ruaya.

Mimitaniŋ

Kolosi oi Eisia prowinsre taonj mo. Oi Efesus sitire wegij wawapeineo oobe pega. Polji Kolosi damanj mogo so rayayonj, Esiare siti soguine Efesus oo gosa yokaomo Biŋe gio baku Kolosi yoŋore onjakoŋ manemeja maneru goya. Jiki Kolosi goineji manjaŋuŋ kerisiebi (1.7, Apo 19.10). Polji Rom sitire witi pigo ŋeko muraŋine Epafraŋ iŋoji Kolosi maŋkekerisie kubure biŋe buŋoine roru iŋoreo wareya. (1.7-8) Binaŋyaŋuŋ goine oi fiine fukebuŋyoŋ, Kolosi oo qaqaŋi jijiibuine onjakoŋ gobuŋ.

Qaqaŋi yoŋoji ŋiŋigo iŋi qaŋi yareru gobuŋ: “Maŋkekerisie kufufuŋ ŋoŋoji Anutu ohoweine bakimiŋ ore kadi buŋo fuŋne fuŋne oi soine boyobeinebi. ŋoŋo soine maŋ-ŋaŋuŋ bawakiru sakiŋaŋuŋ qaku joiserereŋ maneinebi.” (2.16, 20-21, 23) Jikigaru iŋi mitiga yarebuŋ, “Mamanesiŋ-ŋaŋuŋke ŋoŋo dikanji keru mimerereŋ ohoweyaŋuŋ baku goinebi.” (2.18) Yesu onjakoŋ bawaki teru iŋi mibuŋ, “Oi Anuture Made matayonj, mimerereŋ qoruine mo.” Onj miŋu iŋi jikigabuŋ, “Niŋore buŋo boyobenimiŋ, yoŋoji mamane sumuŋine fuŋine mo bofukeniŋiŋ.”

Ore eru Polji Quran yo quraŋgaru Kolosi maŋkekerisie kubu iŋi qaŋi yareya, “Ya sosowo Yesure rurumaŋgo peko iŋoji Anutu foriine yobu fukeru (1.15-17) maŋkekerisie kubu noŋunde Qorunoŋuŋ goga.” (1.18) Jikigaru buŋo iŋi yaduya, “Kristo Yesu manesiŋ gabi iŋoji Anuture mamane eru maŋboronj sumuŋine soine yaduŋi. Anuture mamane oi mamane goine sosowo odureru fuŋine mo fukega.” (2.2-3, 9-10) Polji onjakoŋ maŋkekerisie ŋiŋigo gogoyaŋunde mimiti buŋo goine quraŋgaru ruame Kolosi raya. (3.1-4.1)

Buk yoore mobe qoruine 4 oi iŋi:

Buŋo fuŋfuŋgaine 1.1-8

Kristore gogo eru gio 1.9-2.19

Kristoke gogo gariine 2.20-4.6

Qurande buŋo koruŋ qoruine 4.7-18

1 ¹ Anutuji Pol noŋ sore nuko miinere so Kristo Yesure aposol fukego. Maŋkekerisie ogoŋoŋuŋ Timoti iŋoji noke ŋegobere.

² O maŋkekerisie ogopunoŋuŋ gbagbataeŋine Kolosi taŋgo goku Kristoke qakatobi mamaneŋ-ŋaŋuŋji so gbaŋjime qin keru dimagobi, nonji ŋoŋoke buŋo mimane ekimiŋ ore quraŋ yo quraŋgago. Anutu Mamanoŋuŋji yaunmoriri ŋareme womoo goinebi.

Ŋoŋore eru Anutu miteŋ garu oŋga wosiegobeneŋ.

³⁻⁴ Ŋoŋo Kristo Yesu damaŋ so manesiŋ garu ŋiŋigo gbagbataeŋine sosowo maŋ wombun-ŋaŋuŋgo jojoko eyareegobi, ore biŋe buŋoŋine nojibi. Ore eru ŋoŋore oŋga wosiegobeneŋ, oo damaŋ so Anutu, Ofonŋoŋuŋ Yesu Kristore Mama miteŋ gaegobeneŋ. ⁵ Bobiaŋ Biŋere buŋo foriineji rone ŋoŋoreo wareko mibi oorinoŋunde fuŋne maneru mane taniŋga forebuŋ. Mane taniŋgaru Anutuji ŋoŋore ya ruame Sombun kaeo kojiŋ komoŋgo pega, ŋoŋo oi rauganimiŋ ore odigaru origaegobi. Oori oiji maŋgo eŋareko afagaru Anutu manesiŋ garu maŋ-ŋaŋuŋji jojoko naduŋgadun eku gogobi, ore eru miteŋ gaegobeneŋ.

⁶ Bobiaŋ Biŋe buŋo oiji saueru moreŋine moreŋine sagaru foriineke fukeru sogueega. Ore so ŋoŋoreo wareko ŋoŋo Anuture yaunmoririre fuŋne foriine oi maneru mane taniŋgabun. Oi ronekoŋ mane taniŋgabi, una oone akon fuŋgaru ŋoŋore botugo oŋuakoŋ foriineke fukeru mifia ŋareega. ⁷ Yoro muraŋnoŋuŋ Epafras iŋoji Kolosi ŋoŋore Bobiaŋ Biŋe oi qaji ŋareme manebuŋ. Epafras iŋoji niŋore tife dimaku Kristore gio damaŋ so yameŋ keku baega. ^a ⁸ Moro Tiriineji boburo ŋabeme jojoko naduŋgadun egobi, Epafrasji ŋoŋore fuŋne oŋu ŋoneru nojiko manebeŋ.

⁹ Ore eru biŋe buŋo oi manebeŋ, niŋoji oŋuakoŋ damaŋ oone akon fuŋgaru ŋoŋore Anutu oŋga wosiru go wapegobeneŋ. Ŋoŋoji Anuture maŋ aŋi mane mukubi mamane oiji maŋ-ŋaŋuŋ puseiŋ ore karie teegobeneŋ. Oiji puse ŋareme Moro Tiriineji boburo ŋaberu maŋgboroŋ ŋareeine. Oŋuine oiji soine Anuture aŋi sosowo poretiŋ akon mane mukuru gonimiŋ.

¹⁰ Ŋoŋore iŋi oŋga wosiegobeneŋ: Mamane-muku oiji maŋgo eŋareko soine gogoŋaŋuŋ Ofonde jiŋo maio sagaiŋ ore so goinebi. Maŋ-aŋiine pega so eeboboŋaŋuŋ sosowo eba eku goinebi. Oŋu soine gio fiine fuŋne fuŋne damaŋ so babi ore foriine fukeine. Mamane-mukuyaŋuŋ oŋu kegborebi soine sanaŋganimiŋ eru Anuture fuŋne jikigaru mane sarigaku gonimiŋ.

¹¹ Anuture usuŋ oi bibiineke. Ore so iŋoyoŋunde usuŋ suŋsuŋ sosowo ŋareme kefagaru basanaŋ ŋabeeiŋgo oŋga wosiegobeneŋ. Anutuji oŋu basanaŋ ŋabeko soine sanaŋgaru damaŋ so yameŋ keku maŋwomoo

^a 1.7 Kol 4.12; Flm 23

dimaku yobiŋ maneru karieru jerieru gonimiŋ. ¹²Jerieru goku Mamaŋaŋunde danŋe miku gonimiŋ ore oŋga wosiego. Mamaŋonunji ogopuine gbagbataeŋine noŋunde ore ya seŋgiŋbaŋgiŋineke burugaru ruame kuririquraŋinere maŋgo pega. Iŋoji ŋoŋo oŋuakoŋ qowirie ŋabeko ya seŋgiŋbaŋgiŋineke oi biŋe ganimiŋ ore so fukegobi.

¹³Qisiriji siŋaŋ nobeya, Mamaŋonunji oone bomukuru oga noberu wareru yoro Madeinere qorumaŋ maŋgo rua nobeya. ¹⁴Madeine iŋoji duenoŋuŋ baru agiburaŋnoŋuŋ jureru bokeiŋgo maneeŋa. Ore eru danŋe miteegobeneŋ. Buŋo oi foriine.^b

Kristoji ya sosowore fuŋne eru qoruine fukega.

¹⁵Kristoji Anutu ŋoŋoneine mata iŋore sasako fukega. Ronere ronekoŋgo gogo sosowo so fukeko Kristoji bonieru Mamaineke ŋi qoru fukeru goya. Oŋu goku Mamaine Anutu bapi gako yareya sosowo bofuke yabebire fukebuŋ.

¹⁶Madeineji Anutu bapi gako yareya sosowo bofuke yabebire. Ya goine Sombuŋ kaere koroine koroine oo pebi so ŋone yabeegobeneŋ eru ya goine moreŋgo pebi ŋone yabeegobeneŋ, oi Kristoji miko qowiriebuŋ. Ya sosowo oi siŋaŋ yabenimiŋ ore iiru mamari (gemo) siŋaŋine siŋaŋine bofuke yabeko Sombuŋ moreŋ botuyakuŋgo morumboŋyaŋuŋgo dimaku mimitiyaŋuŋ ruaegobi. Yoŋore mea rurumaŋgo koito wawakiine muraŋyaŋuŋ ropekiine eru wawakiine oi igodoŋ yabeko koroyaŋuŋgo usuŋyaŋuŋke dimaku goine koito oŋuine siŋaŋ yabeegobi. Madeineji ya sosowo fukeinde fuŋqodu fukeko Anutuŋi iiru (gemo) bofuke yabeya, oi Kristo miteŋ gabi bibiineke fukeeiŋ ore igodoŋ yabeko dimagobi.

¹⁷Kristoji ronekoŋ goko yareya sosowo oi iŋore ŋadio fukebuŋ. Iŋoji ya sosowo qodureru siŋaŋ yabeko qojuŋaku iŋoreo oderu qiŋ keru dimagobi. ¹⁸Kristoji miminenonoŋuŋ fukega. Yareya sosowo eru noŋuŋ pore noreru qorunoŋuŋ fukeru goiŋ ore komegone pakereya. Komebuŋ, yoŋore botugone iŋoji rone mineboboyaŋuŋ fukeru gboreru pakereya. Oŋu minebobonoŋuŋ fuŋfuŋgaine fukeko noŋuŋ kufufuŋ raŋgbainere zioz gariine fukeru dimagobeneŋ. Ore eru mande, saki fure, ya sosowore qorunoŋuŋ fukeko maŋkekerisie kufufuŋ noŋuŋ iŋore saki fu sosowo fukegobeneŋ.^c

¹⁹Anutuŋi Madeine iŋoyoŋunde so sogokoŋ fukeru goiŋ ore mane foreko sagaya. Ore eru iŋoyoŋunde mamane eru kuriri yaine sosowo oi Kristoke qakatoru dimaga ore beufi maneru goga. ²⁰Yareya sosowo moreŋgo eru qonikiŋgo Anutuke rosi eegobi, oi Anutuŋi sosowo furiyaŋuŋ ruaru oga yabeme iŋoke qakatoru maŋmoakoŋ enimiŋ ore

^b 1.14 Ef 1.7 ^c 1.18 Ef 1.22-23

maneru iŋi mitariko sagaya, “Nakene Made sorebe rakaru mariponŋo komeru dariine keseru womo maŋgo eteko fukeiŋ.”^d

²¹Iŋoŋo oŋuakoŋ rone eeboboŋaŋuŋ sembene peya ore eru maŋ-ŋaŋuŋji Anutuke maŋmoakoŋ so eru rosi eru taitai gobuŋ. ²²Rone oŋu gobuŋyoŋ, damaŋ yoo Anutuji iŋoyoŋeke maŋmoakoŋ eru dimanimiŋ ore Madeine soreme moreŋ saki fuineke komeru keririke yabeya. Oŋu dimabi penaroŋ-ŋaŋuŋ jureko gobi oga ŋaberu iŋoyoŋunde jiŋo maio gbagbataeŋine bakuŋaŋunde buŋo tomiri rua yabeko ropeniminde odigaru oori eegobi.

²³Oori eegobiyonŋ, goku biriboro qaku egu waki ŋabeŋ ore Kristo damaŋ so manesiŋ garu dimainebi. Anutuji Bobiaŋ Biŋeine oiji otuŋ sariya, ŋoŋo ore buŋoŋine manebuŋ. Maŋ-ŋaŋuŋji oo kitiŋgaku qiŋ keru dimaku sananŋaru gonimiŋ ine, ŋoŋo seŋŋiŋbaŋŋiŋ fukenimiŋ. Niŋo Bobiaŋ Biŋeine oi misaueegobeneŋ. Anutuji ŋiŋigo bofuke nobeko Sombuŋ rurumaŋgo go ragobi, yoŋore botugo oi roregaru mitaniŋaru gogobeneŋ. Pol nonji oŋuakoŋ Bobiaŋ Biŋere gio oi baku gogo. Oŋu.

Polji zioz kubure gio uruŋu baku goya?

²⁴Kristore saki fu sosowo oi maŋkekerisie kufufuŋ noŋuŋ fukegobeneŋ. Kristoji noŋunde ore koŋkoŋ maneko tifeine peku maŋkekerisie kufufuŋ painoŋuŋgo ropeega. Nonji Kristore saki fu bapi ŋabebemiŋ ore eru saki funeji ŋeriŋetataŋ tifeine oi roku maneru goego. Oŋu fuke nareko ŋoŋore eru joiserereŋ maneru goboy, ore eru damaŋ yoo jerieego.

²⁵Anutuji igodoŋ nuko maŋkekerisie kufufuŋine kufufuŋine kiŋaŋ qa ŋareku gio baku gogo. Anutuji yaŋmoririine ŋiŋigo boroŋga noreŋ ore buruine ruaya, ore so Biŋe buŋoŋine misaue forebemiŋ ore miya. Iŋoŋoji fiaru sananŋaniminde gio oi nareya. ²⁶Anutuji Biŋe buŋo oi ronere ronekoŋgo sumuŋgako ŋiŋigo saueru komebi osigidapuyaŋuŋ pakereru oŋuakoŋ komebi oŋuine akoŋ oŋuine eku go waperu mo gobuŋ. Oŋu gobi buŋo oi damaŋine damaŋine sumuŋineo peyayoŋ, damaŋ yoo kufufuŋine kufufuŋine gbagbataeŋine noŋuŋ barariŋga noreru miko manegobeneŋ.

²⁷Anutuji yaŋmoririinere buru iŋi miku ruame pega, “Nonji buŋone sumuŋine oi nakene kufufuŋpu ŋoŋo barariŋgaru ŋajibe manenimiŋ ore manego. Yoŋoji oi mane mukuku raru misauebi Biŋene sumuŋinere kuririji kotu kantriine kantriine yoŋore botugo sogueru tinabiŋeineke fukeiŋ.” Buŋo koruŋ soŋsoŋine oi iŋi: Kristoji ŋoŋore maŋgo goga ine, kuririquraŋgo ropeniminde oori eŋareeiŋ.

²⁸Noŋuŋ Anuture buru ore so Kristore fuŋne ŋiŋigo sosowo ŋoŋore mitaniŋaru gogobeneŋ. Yoŋoji sosowo Kristoke qakatoru dimaku sananŋaru kuririyaŋuŋke fukenimiŋ ore qaji yareegobeneŋ. Oŋu

^d 1.20 Ef 2.16

oga n̄abebeneŋ Anuture jiŋo maio ropenimiŋgo manegobeneŋ. Ore eru maŋgboroŋnoŋuŋ sosowo qojuŋgaru uŋsowonŋ buŋoine buŋoine n̄areegobeneŋ. ²⁹Nonji ore eru jogbasasanaŋ eego. Kristoji usuŋjinere paio boburoru dobe nuega, nonji ore so jigo qaku goego. Oŋu.

Polji Kolosi yoŋore manemeja eya.

2 ¹Nonji Kolosi n̄oŋore eru jigo qaku gogo. Oŋuakonŋ Laodisia sitio gogobi eru maŋkekerisie ogopune goineji nonde jiŋo mai so n̄onebuŋ, sosowo yoŋore oŋga wosiru kokoine jogbasasanaŋ eego. Nonji n̄oŋo ore fuŋine manenimiŋ ore manego.

²Iŋi oŋga wosiego: Anutu, go maŋyaŋuŋ kitinŋ yabende sogokonŋ kiperu maŋjoko naduŋgadunŋ eku moko mande kuririŋaŋuŋ sosowo bofukeniŋiŋ. Oi bofukeru soine sanaŋgaru ya sosowo mane muku forenimiŋ. Oŋu eru soine Anuture Biŋe soŋsoŋine, Kristore fuŋne oi sosowo mane taniŋga forenimiŋ. ³Anutuji mamaneine eru maŋgboroŋine oi sosowo Kristo iŋoreo ruaru sumuŋgako pega. Anuture maŋgboronde rouŋ oi juŋe boreŋ oŋuine rouŋ soŋsoŋgo peko Kristoji ore ki mendaine fukega. Kristore mi reŋgaru oŋuine oiji soine maŋgboroŋine oi bofukekimiŋ.

⁴Moji barikari eru buŋo jiji miku maŋ-ŋaŋuŋ bapakareru egu eadu eŋarenimiŋ ore Kristore buŋo oi migo. ⁵Sakiji n̄oŋoke moko so gogoyonŋ, iiruneji n̄oŋoke dimaga. Iŋoŋo sanaŋgaru Kristo manesiŋ garu buŋoine reŋgaru botuŋaŋuŋgo buruŋaŋunde so waigo gogobi, n̄oŋore oŋu maneru manesuku jerieego. Oŋu.

Morende mamaneji egu kipe n̄abeinde siŋaŋ bobo buŋo

⁶Ore eru n̄oŋo Kristo Yesu ro sabarebi Ofoŋ-ŋaŋuŋ fukeru dimaga, iŋoke qakatoegobi ore so eeboboŋaŋuŋ eba eku goinebi. ⁷Buŋo qaji n̄arebuŋ, ore so sorukuŋaŋuŋ Kristoreo gbedigaru iŋoke qakatoru dimaku maŋ-ŋaŋuŋ kikitinŋ eku mamanesinde usuŋ-ŋaŋuŋ jikigaru bofukeru goinebi. Danŋeŋaŋuŋ obu soro wakiega ore so miku miteŋ garu goinebi.

⁸Apa n̄aso yoŋoji morende mamane-muku qaji n̄arebi kadi ranŋbaŋine bofukeru goineji oi boyobeegobi. Oŋuakonŋ nemu mamari siŋaŋ sombuŋ moreŋ botuyakuŋgo goku yokore yareya sosowo siŋaŋ yabeegobi, goineji Kristo odureru yoŋoreo qakatoru buŋo qaji n̄areegobi. Oŋu eegobi, yoŋoreone moji ro n̄aberu eadu omaine ore niginji kipe n̄abeko wakiru egu qaqaŋi yoŋore biŋe fukenimiŋ.

⁹Anuture mamane eru kuriri yaine sosowo oi sosowo yobu Kristoreo peko moreŋ saki fu roru fukeya. Ore eru qaqaŋi jijibuine oŋuine yoŋore sisiŋaŋ ee eku goinebi. ¹⁰Kristoji iiru mamari siŋaŋ eru koito wawakiine eru muraŋ sosowo yoŋore qoru dimaga. Kristoke qakatobi iŋoji Anuture mamane eru kuriri yaine sosowo oi soine soyaŋuŋgo yareme gogobi.

¹¹Oŋu goku Kristoke qakatobi iŋoji mogeine foriine oi n̄oŋoreo oŋuakonŋ keti n̄abeko gogobi. Moge oi meji sakinoŋuŋgo ketigaegobi

ore so matayon, Kristoji saki keketi fuɲine mo enjareya, oi iɲi: Iɲoji sakire eebobo ranɟbanjineji egu siɲaɲ ɲabeɲ ore anjɲaɲuɲ sanajine sembene oi kipeme gogobi. ¹²Kristore qonɟbuɲ yonɟo ruabuɲ, ɲonjore maɲ ranɟbanjineji onjuine kamasi komeru miti meso oo kome yonɟo rakaya. Onju rakayayon, Anutuji Kristo bogboreme komegone pakereya, iɲore usunji ɲonjo onjuakonɲ dobe ɲaberu miti meso oo maɲgo ɲenjareko gborebuɲ. ɲonjo Anutture usunji oi roru sabareku manesiɲ gabuɲ ore eru Kristore kerirɲngo gboreru sananɟaru gogobi.^e

¹³Rone moji ɲonjore anji sanajine sembene oi so kipeme maɲ-ɲaɲuɲ ranɟbanjineji siɲaɲ ɲabeke gobuɲ. Agiburaɲ ebuɲ ore eru maɲ komiine gobuɲyoy, Kristoke qakatobi Anutuji iɲore kerirɲngo bogbore ɲabeya. Agiburaɲonjuɲ sosowo jure foreko sananɟaku gogobeneɲ.^f

¹⁴Sembenenonjunde eru ore geoinere mimiti oi Sombuɲ kaeo ropu qurango quranɟabi peya. Kristoji ropunonjuɲ oi sosowo yobu ketigaru kepieko. Ropu oiji Anutuke dimaku ɲadinonjuɲgo qaku kiso enoreru peya, iɲoji oi kemukuru mariponɟo qakasigame tariya.^g

¹⁵Mariponɟo komeru nemu mamari siɲaɲ eru iiru koito wawakiine sombuɲ moreɲ botuyakuɲgo yareya sosowo siɲaɲ gaegobi, Kristoji yonjore usunji oi rua ondure mi onjuine kepiere ode kindenɟaru odayaganga foreya. Onju eru rospuine niginji kipe yaberu mimi qa yareya. Onju eru oga yaberu kokoriaɲ keru saoreɲ keme tumoqoqoineo warebi gbɲ eyareya ore fuɲine oi totogo fukeme ɲonebuɲ.

¹⁶Kristoji gbɲ eyareya, ore eru ɲonjo Kristoke dimaku kobɲɲaɲuɲke jogbake goinebi. Onju gobi ɲonjore botugo moji wamo uqo obu rigaru noegobi, ore sowoine omaine ruaru egu mimiti enjareɲ. Gosa so kombaɲ mokiine mo eru kaiɲ so ayonɲ gariine wapega ore kiwaqawa oi eegobi me mata, ore eru omaine egu misembea ɲabenimiɲ. Sabat kombaɲ oi Sondagioo me una mogo ɲeegobi, ore eru omaine jiɲo mainanɲunɟo qaku egu buɲo miɲarenimiɲ ore sisiɲaɲ ee eku goinebi. ¹⁷Agi onjuine ore eru kaje so ruainebi. Ya oi sosoine akonɲ fukegobi. ɲi foriineji qonɲɲngako sasakoineji qodureru wareega, ore so foriine oi Kristo. Uqo sowo eru kombaɲ ɲenjere buɲo oi Kristore soso fukeru wawakiine fukega. Kristoji fukeyayonɲ, ɲonjo jibu raru kadi sosoine ranɟbanjineo omaine qakatoru egu gonimiɲ.^h

¹⁸Goine ɲonjaji anjɲaɲunɟo iɲi eegobi: ɲonjo-ɲanɲunde maɲ babawaki eru Sombuɲ mimerereɲ ohoweyanɲuɲ baku nemu onjuine miteɲ yabeegobi. Onjuakonɲ qohonɲanɲuɲ fukeme iruyanɲuɲ ɲoneru ore eru sigopou eegobi. Onju ɲonjo-ɲanɲuɲ morende mamaneji bapakare ɲabeke sakiɲanɲuɲ omaine yobu ba ropeku sakibobo eegobi. Yonjoreone moji eadu enjareru Kristo iɲoreone egu qopia ɲabeɲ. Onju eme ɲonjo mamananesinde

^e 2.12 Rom 6.4 ^f 2.13 Ef 2.1-5 ^g 2.14 Ef 2.15 ^h 2.17 Rom 14.1-6

sisirigo gbiŋ so eku furiŋaŋuŋ so egu ronimiŋ. Ore eru sisiŋaŋ ee eku goinebi. ¹⁹Yoŋo Kristo qorunoŋuŋ fukega, iŋoke didimoyaŋuŋ oi bokeru kosa gogobi. Kristoji qorunoŋuŋ fukeru iŋoyoŋunde saki fu sosowo noŋuŋ siŋaŋ nobeko soine iŋoke jijiki eku gogobeneŋ. Sia jijikiine eru ruaine oiji saki fuinere me kufupu qodureru kipe nobebi qojuŋaku moakon fukegobeneŋ. Oŋu fukeru Anutuŋi maŋgo enoreega ore so sogueru sanaŋgaegobeneŋ.ⁱ

Kristoke dimabi morende mamaneŋi soine so siŋaŋ ŋabeŋ.

²⁰Ŋoŋo Kristoreo jikigabi maŋ raŋgbaŋ-ŋaŋuŋŋi komeko nemu mamari siŋaŋ yoŋore nigin jokogone keŋgoroŋgabuŋ. Yoŋoji sombuŋ moreŋ botuyakuŋgo goku yayakuŋ sosowo siŋaŋ yabeegobiyon, ŋoŋo so siŋaŋ ŋabeegobi. Ore eru qaqaŋi jijibuine oŋuineŋi mimiti kosa eŋareegobi, oi wamore mo boyobeegobi? Sombunde biŋe fukegobiyon, jibu morende buŋo boyobebi jijibuine fukeega.

²¹Agiyaŋuŋ iŋi ruaegobi, “Oi so bojigaru roigon. Mo oi so no maneigon. Ya oi so bouaigon.” ²²Moreŋ ŋiŋigoŋi yoŋoyaŋunde qoruŋi oŋu mitigaku goine qaji ŋareegobiyon, Anuturo oŋu mata. Anutuŋi ya sosowo oi ruaru bakimiŋ ore eru miko roru nobeneŋ mataeiŋ ore ruame pega. Oi morende ya yayabaine.

²³Oi jibu goineŋi nemu mamari siŋaŋ eru mimerereŋ ohoweyaŋuŋ baku nemu oŋuine miteŋ yabenimiŋ ore yameŋ keegobi. Oi yameŋ keku “Noŋunde maŋ bawaki egobeneŋ,” miku oo gbedigaru sakire aŋi sanaŋine sembeneŋi egu siŋaŋ ŋabeŋ ore agiine agiine ruaru sakiyaŋuŋ qaku joiserereŋ bofukeegobi. Oŋu eru mimitiyaŋuŋ ruaegobi, oi maŋgboroŋ paio eebobore kamasi fukeko kokoine yoŋo mosiyaŋuŋ oi ŋoneru manebi ropeega. Ropeegayon, oi jibu oŋu sakire aŋiyaŋuŋ sanaŋine sembene sabareŋgo ebibieku oi kosa boyobeegobi. Ore eru mimiti buŋoyaŋuŋ oiji ya omaine yobu fukega. Oŋu.

Kristoji gogo gariineo gokiminde usun noreega.

3 ¹Kristoji paibe roperu Anutu me furoineo morumboŋ koroine roru kobiineke ŋega. Anutuŋi Kristo bogboreya, ore kamasi oŋuakon ŋoŋo bogbore ŋabeme komegone pakoreru gogobi. Ore eru ŋoŋo Sombuŋ kaeo paibe yareya sosowo pega, oo maŋ-ŋaŋuŋ ruaru goinebi.^j

²Morende yareya oo matayon, paibe ya sosowo pega, maŋ-ŋaŋuŋ oo ruaru sanaŋgaru goinebi. ³Ŋoŋore maŋ raŋgbaŋineŋi komeko Anuturo qin keru gogobi. Ore ŋoŋo Anuturo konugo raru gogo sanaŋinere fuŋne bofukebuŋ. Kristoji Sombuŋ gogo sumuŋineo goga, ŋoŋore mande gogoŋi ore so sumuŋineo pega. Ore eru maŋ-ŋaŋuŋ Kristoke kiperu goinebi.

ⁱ 2.19 Ef 4.16 ^j 3.1 Kiki 110.1

⁴Kristo gogo sananinere Raunoŋunji moke wareko kuririquraŋineji fukeiŋ, damaŋ oo ŋoŋo oŋuakoŋ fukebi oga ŋabeme iŋoke Anutire kuririquraŋo ropenimiŋ.

Maŋ raŋgbaŋine eru maŋ gariine oi fufuru eegobire.

⁵Morende aŋi sananine sembene fuŋne fuŋne oi maŋ-ŋaŋuŋgo peku gigijo ba ŋabeegobi, yoŋore qoru oi sosowo odejaŋga foreinebi. Kanen qoro oŋuine boesau eru penaroŋ wuwunuŋineke oi ŋadi gainebi. Maŋ sakire aŋi sananine sembene oi bokero maŋjo sembene qokobebi kobeine. Ya roku rononde suron fukeru sase eegobi, oiji nemu gbon ohoweyaŋuŋ baku miteŋ yabeegobi ore kamasi fukega. ⁶Oŋu eegobi ore eru Anutire maŋji rigaŋgame maŋ rosiine paiyaŋuŋgo ruame ropeega.

⁷Aŋiŋaŋuŋ sananine sembene oŋuineji rone ŋoŋo-ŋaŋunde gogo oŋuakoŋ siŋaŋ gako kadi sembene oi oderu boyoberu gobuŋ.

⁸Oŋu gobuŋyoŋ, damaŋ yoo ŋoŋo oŋuakoŋ ya oŋuine sosowo oi bokebi raine: Aari maneru maŋjoŋaŋunji boruŋgaru ja ŋabeko maŋ-ŋaŋuŋgo jigo qoqo eru maŋsembe manegobiyon, oi uduru bokebi raine. Oŋuakoŋ maŋqoqo buŋo gomogofu eru buŋo wuwunuŋineke miku maŋ-ŋaŋuŋ kejiŋagobi oi sosowo ŋadi gaku goinebi. ⁹Ŋoŋo maŋ raŋgbaŋine eru ore eeboboine wuwunuŋineke oi yaberu qo komeru gogobi ine, buŋo ikoine oi so mimane einebi.^k

¹⁰Ŋoŋo maŋ raŋgbaŋine kemukuru moke qowirieru maŋ gariine yomaru gogobi. Bobofuke Raunoŋunji iŋoyoŋunde fuŋne mane taniŋgakimiŋ ore soso ruaya, iŋoji ore so maŋ gariine oi qowirie teko jikigaru gboreega.^l ¹¹Ore eru noŋuŋ Juda me kantri goinere ŋiŋigo gogobeneŋ, oi so moakoŋ fukegobeneŋ. Anutire moge sakinoŋuŋgo ketigabuŋ me mata, oi jibu Anutire jiŋoo so moakoŋ fukegobeneŋ. Taon ŋiŋigo mamanyaŋuŋke me qanda (bus kanaka) goku yoŋoyaŋunde buŋoji yayaŋ miku qaquoma gogobi, oi jibu Kristoji maŋnoŋuŋgo dimako moakoŋ fukegobeneŋ. Noŋunde gio baegobeneŋ me raunoŋuŋ oi furiine tomiri omaine kiŋaŋ qa yareegobeneŋ, oiji ya wawakiine fukegayon, foriine yobu oi Kristo. Iŋoji bodureru sosowo nodureru roperu Kiŋ Ofonŋoŋuŋ ropekiine moakoŋ goga.

¹²Anutuŋi roosoe ŋabeko maŋ gariine boyoberu Anutire yoro ogopuine gbagbataeŋine fukegobi. Ore eru ŋoŋo botuŋaŋuŋgo ŋonemaŋ eru ogo bobo eku goinebi. Maŋ-ŋaŋuŋ bawakiru goine denaŋdenaŋ paio eyareku yobiŋ maneku kariere goinebi. Mosi oiji marikuŋaŋuŋ fukeko kebi kako oi damaŋ so roru goinebi.^m

¹³Ŋoŋo wirieru sembenere mobe so bokirieinebiyoŋ, botuŋaŋuŋgo mirimbobo ee eru goinebi. Siŋaŋ ee ebi botuŋaŋuŋgo buŋo baka fukeko

^k 3.9 Ef 4.22 ^l 3.10 Jen 1.26; Ef 4.24 ^m 3.12 Ef 4.2

moji ogoine buŋo miteiŋgo manega, oi boboke einebi. Ofonji agiburaŋ-ŋaŋuŋ jureru bokeya, ŋoŋo botuŋaŋuŋgo oŋuakoŋ eku naduŋgaduj einebi.ⁿ ¹⁴Oŋu eku manji jojokore marikuŋaŋuŋ oi kebi kako ore paio maŋyaŋuŋ eku manjoko naduŋgaduj ebi tinabiŋeineke fukeiŋ. Manji jojoko oiji kuriri kokoinere migo, oi kenusugaru qodureru qoruyaŋuŋ dimaga.

¹⁵Kristoji ŋoŋo womoo saki fu moakoŋ fukeru gonimiŋ ore oŋga ŋareya. Ore eru iŋore womoji maŋ-ŋaŋuŋgo peku fiinere migokiki qaqaŋaŋuŋ fukeko maŋwomoo goku mimitenŋ eru goinebi.

¹⁶Kristore Biŋe buŋo oiji maŋ-ŋaŋuŋgo peku botuŋaŋuŋgo kokoine fuke saweiŋ. Iŋoŋo maŋgboroŋ buŋo sosowo miku qaqaŋi ee eku uŋsowoŋ naduŋgaduj einebi. Moro Tiriineji boburo yabeega ore so Miti Kiki (Buk Song), mimitenŋ kiki (owaowa) eru mande kiki goine oi maŋ wombun-ŋaŋuŋgo Anutu miteŋ gaku keeinebi.^o ¹⁷Eebobo oi me oi miji me eeboboŋi eku enimiŋ oi sosowo Ofonŋ Yesure tinao eku goinebi. Oŋu ebi Kristoji maŋgo eŋareko Mama Anutu ohowe ohowe miteku goinebi. Oŋu.

Iŋoe ŋonuj, maŋgomama eru kiŋaŋqoqo ŋoŋore uŋsowoŋ buŋo

¹⁸Iŋigo ŋoŋo ŋoepuŋaŋuŋ yonore buŋo rurumaŋgo wakiru goinebi. Ofonde biŋe fukegobi ore eru oŋu ebi sagaiŋ.^p

¹⁹Iŋi ŋoŋo ŋonunpuŋaŋuŋ maŋyaunji manjoko eyareru maŋboiŋ momokiine oŋuine so eyareku goinebi.^q

²⁰Odumade ŋoŋo Ofonke qakatoru dimaku maŋgo mamayokaŋaŋuŋ yokore mi boyobebi Ofonji ŋone ŋabeme sagaiŋ. Ore eru ŋoŋo buŋoyakuŋ minimiŋ ore so sosowo reŋgaru goinebi.^r

²¹Mama ŋoŋore odumadepuji koimoyaŋuŋ egu bokeru kokoi bofukeniŋiŋ ore kosa so furu yabe so kaneru kiti yaberu goinebi.^s

²²Kiŋaŋqoqo ŋoŋo moreŋgo siŋaŋpuŋaŋuŋ yonore buŋo sosowo reŋgainebi. Kukurere qoru ebi ŋiŋigoŋi ŋone aŋi eŋarenimiŋ ore matayoŋ, kiko bokeru Ofonde mi egu odurenimiŋ ore sombuŋaŋuŋ maneru maŋ-ŋaŋuŋ gioo ruaku baku goinebi.^t ²³Ya eba eegobi maŋ-ŋaŋuŋ oo kiperu iŋi manesuinebi: Moreŋ ŋiŋigo akoŋ matayoŋ, Ofonŋ iŋoyoŋe kiŋaŋ qateku gogobi.

²⁴Ofonŋ Kristo kiŋaŋ qateku gobi iŋoji furuŋaŋuŋ Sombuŋ kaeo ruame pega, oi ŋareme biŋeŋaŋuŋ fukeiŋ. Iŋoŋo oŋu manesuku goinebi. ²⁵Moŋi gioine bojibugame Anutuŋi oŋuakoŋ bobojibuinere geo bokirie teiŋ. Anutuŋi goine so ŋone aŋi yaberu goine so sure yabeegayoŋ, sosowo noŋuŋ so moakonji osoe noberu buŋonoŋuŋ mitariŋ.^u

ⁿ 3.13 Ef 4.32 ^o 3.16 Ef 5.19-20 ^p 3.18 Ef 5.22; 1 Pi 3.1 ^q 3.19 Ef 5.25; 1 Pi 3.7

^r 3.20 Ef 6.1 ^s 3.21 Ef 6.4 ^t 3.22 Ef 6.5-8 ^u 3.25 Dut 10.17; Ef 6.9

4 ¹Siŋaŋpunoŋuŋ ŋoŋore Ofonŋ soguine oi Sombuŋ kaeo goga, oi mane mukugobi ore kiŋaŋqoqopuŋaŋuŋ yonŋeke damaŋ so maŋmoakon eeru so moakon eyareku goinebi. Oŋu.^y

Uŋsowoŋ buŋo goine

²Oŋgawowosi gio yameŋ keku baku goinebi. Oo maŋgari goku danŋe mimiten eteku goinebi. ³Mimiten enimiŋ damaŋ oo niŋore oŋuakon iŋi oŋga wosiru goinebi, “Anutu, go Pol ogopuine kadi bayarende soine Kristore Biŋe buŋo sumuŋine oi mitaniŋgabi saueine.” Nonji Biŋere gio babe ore kipe nubi witi pigo ŋego. ⁴Nonji Biŋe buŋo Anuture aŋire so mibe mane taniŋganimiŋ ore oŋgawowosiŋaŋunji kitiŋ nuku goinebi.

⁵Ŋiŋigo maŋkekerisie so eru sakiineo gogobi yoŋoreo maŋgboroŋ-ŋaŋunde sogoya eyareru goinebi. Mande gio bayarende kadi mo fukeiŋ, damaŋ oi so bojibugaku sibirigainebiyoŋ, ŋiŋigo keririŋyaŋuŋgo raru waigo uŋsowoŋ eyareinebi.^w ⁶Buŋo mi manenimiŋ, oi damaŋ so sekiineke qotururu yajibi aŋiineke fukeeine. Buŋo yajibi ŋiŋigo moakon moakon aŋiyaŋuŋ fukeko sosowo yoŋore buŋo uruŋu bokirie yarenimiŋ oi mane mukuku ore so miinebi. Oŋu.

Polji Tikikus Onesimus sore yapeme warenimi.

⁷Yoro ogone Tikikus iŋoji Ofonŋke qakatoru dimaku noke gioine poretiŋ baku ogobabapine fukega. Iŋoji ŋoŋoreo foru uruŋu eru goego, ore sunduine sosowo ŋajime manenimiŋ.^x ⁸Uruŋu eba eku ŋeku gogobeneŋ, ŋoŋo binaŋ oi manenimiŋ ore sorebe ŋoŋoreo foiŋ. Iŋoji foru soine bobomiriŋ enareiŋ.^y ⁹Oŋuakon yoro ogonoŋuŋ Onesimus Kolosi yoŋoreone wareru Ofonde buŋo damaŋ so boyoberu ba mukuega, nonji iŋo sorebe kirieru wareiŋ. Ŋiyoka yoko foru yoo ya sosowo uruŋu fukeko gogobeneŋ, ore sunduine soine baŋarebire manenimiŋ. Oŋu.^z

Momojo buŋo tatariine

¹⁰Aristarkus noke witi pigo ŋega eru Barnabasre nipe Mak yokoji momojoyakuŋ miku ruabire ŋoŋoreo fuga. Mak iŋore buŋone iŋi mitigabe manebuŋ: Ŋoŋoreo wareru wapeiŋ ine, iŋo soine keporeru ogo eteniŋ.^a ¹¹Josua tinaine mo Jastus miegobi iŋoji oŋuakon momojoine miku ruame ŋoŋoreo fuga. Ogopuneji noke Anuture qorumande gio baku gogobi yoŋore botugo ŋi yokaomo yoŋo akonŋ Juda ŋi gogobi. Yoŋoji bobomiriŋ enareku gobuŋ.

¹²Ŋoŋo-ŋaŋe ŋi Epafras Kristo Yesu kiŋaŋ qa teega, iŋoji momojoine miku ruame ŋoŋoreo fuga. Iŋoji damaŋ so ŋoŋore eru oŋga wosiega.

^v 4.1 Ef 6.9 ^w 4.5 Ef 5.16 ^x 4.7 Apo 20.4; 2 Tim 4.12 ^y 4.8 Ef 6.21-22 ^z 4.9 Flm 10-12
^a 4.10 Apo 19.29; 27.2; Flm 2-4; Apo 12.12, 25; 13.13; 15.37-39

Buŋo sosowo Anuture mire so fukeru pega, ŋoŋo oo qin keru dimaku sananŋaru kuririnjanŋunke fukeru gonimiŋ ore jogbasasanan eega.^b 13 Nonji inŋore fuŋne maneru inŋi kitingaku migo: Inŋoji ŋoŋo bapi ŋabein ore gio kokoine baega. Onŋuakon Laodisia eru Hierapolis taon yoyoka oo manesiŋ gaku gogobi yoŋore eru gio wamo afaine baku jogbasasanan eega. 14 Yoro doktanonŋun Luk eru Demas yoko onŋuakon momojoyanŋun miku ruabire ŋoŋoreo fuga.^c

15 Nonji momojoyanŋun miku quranŋago, oi manŋekerisie ogopunonŋun Laodisia taonŋo gogobi, yoŋo yajibi manenimiŋ. Onŋuakon Nimfa eru inŋore pigo kufufun tumangaegobi yoŋo yajibi manenimiŋ. 16 Quraŋ yo ose yarebi manebi tariko ore ŋadio oi ruabi Laodisia manŋekerisie kufufun yoŋoreo rame osenimiŋ. Laodisia yoŋoreo quraŋ mo quranŋabe raya oi ruabi ŋoŋoreo wareko ŋoŋo oi onŋuakon osenimiŋ. 17 Arkipus ŋi oi inŋi ojibi manenonŋ, “Ofonji Biŋe gio baminde mimiti gareku ujeŋo ŋeko goge, goji gio oi manesuku sosowo ba foreigonŋ.”^d

18 Pol nonji momojoyanŋun miku nake meneji tinane inŋi quranŋago: Pol. Inŋoŋo nigiŋ gbedineke nonŋ manesu nuku goinebi. Ofonde yaunŋmoririji ŋoŋoke peine. Onŋu.

^b 4.12 Kol 1.7; Flm 23 ^c 4.14 2 Tim 4.10, 11; Flm 24 ^d 4.17 Flm 2